

ԵՄ ՓՈՐՁԱԳԵՏՆԵՐԻ ԱՌԱՔԵԼՈՒԹՅԱՆԸ ՆԵՐԿԱՅԱՑՎԵԼ Է ՓԱՍՏԱԲԱՆԱԿԱՆ ՀԱՄԱՅՆՔԻ ԽՆԴԻՐՆԵՐԸ. ՀԱՐԿԱՅԻՆ ԲԵՌԻ ԱՎԵԼԱՑՈՒՄ, ՓԱՍՏԱԲԱՆՆԵՐԻ ԴԵՄ ԲՈՆՈՒԹՅՈՒՆՆԵՐ ԵՎ ՈՉ ՄԻԱՅՆ

18.10.2024 10:36



ՀՀ փաստաբանների պալատի նախագահ Սիմոն Բաբայանն ընդունել է Եվրոպական Միության TAIEX դիտարկման առաքելության պատվիրակությանը: Պատվիրակության կազմում էին Եվրահանձնաժողովի Արդարադատության և սպառողների գլխավոր տնօրինության (DG JUST) ներկայացուցիչը Յոհաննես Հոյջերին, փորձագետներ Ջիանլուիջի Պրատոլան և Յենս Վոելկը:

Հանդիպմանը ներկա են եղել նաև ՀՀ փաստաբանների պալատի նախագահի առաջին տեղակալ Հարութ Ակլունցը, աշխատակազմի ղեկավար Լուսինե Սարգսյանը, Հանրային պաշտպանի գրասենյակի ղեկավար Գևորգ Մկրտչյանը և Պալատի նախագահի միջազգային հարցերով օգնական Նանե Գրիգորյանը:

Առաքելության նպատակն է բացահայտել Հայաստանի դատաիրավական համակարգի՝ մասնավորապես դատավորների և դատախազների աշխատանքի ընդհանուր գնահատականը, ուսումնասիրել առկա վիճակը, բացահայտել բացերն ու կարիքները, կատարված եզրակացությունների հիման վրա ձևակերպել առաջարկություններ Եվրոպական և միջազգային չափանիշներին համահունչ բարեփոխումների, ինչպես նաև ԵՄ-ի ներգրավվածության հեռանկարների վերաբերյալ:

Ողջունելով հյուրերին, ՀՀ փաստաբանների պալատի նախագահը կարևորել է Եվրոպական կառույցների ու գործընկերների հետ արդյունավետ համագործակցությունը: Նա բարձր է գնահատել փորձագիտական թիմի Հայաստան կատարած այցի նպատակը և ՀՀ փաստաբանների պալատում քննարկում իրականացնելու նախաձեռնությունը: Պատասխանելով հյուրերին հուզող օրակարգային հարցերին՝ Սիմոն Բաբայանը ներկայացրել արդարադատության համակարգում առկա վիճակը, փաստաբանական համայնքի համար մտահոգությունն առաջացնող վերջին զարգացումները և մարտահրավերները այդ փաստաբանների բռնության ենթարկելու դեպքերը:

Հատկապես ընդգծվել է, որ ՀՀ հարկային օրենսգրքում իրականացված վերջին փոփոխությունների արդյունքում 2025 թվականից նախատեսվում է կտրուկ բարձրացնել իրավաբանական օգնության նկատմամբ կիրառվող հարկը, որը հանգեցնելու է փաստաբանական

Ժառայությունների գնաճի և իրավաբանական
օգնության հասանելիության նվազման:
Պատվիրակության ուշադրությունն է հրավիրվել, որ
օրենսդրական փոփոխության արդյունքում հարկման
է ենթարկվելու նույնիսկ անհատույց
իրավաբանական օգնությունը, խտրական վիճակում
են հայտնվելու ֆիզիկական անձ շահառուները:

Առաքելությանը ներկայացվել է նաև պետության
որդեգրած մոտեցումները և այն հետընթաց
միտումները, որոնք առկա են անվճար
իրավաբանական օգնության ոլորտում, այդ թվում՝
հաջորդ տարի նախատեսվող հաստիքների
կրճատումը Հանրային պաշտպանի գրասենյակում:
Մինչդեռ ակնհայտ է, որ Գրասենյակն առանց այդ էլ
աշխատում է գերծանրաբեռնված, իսկ հարկային
փոփոխությունների հետևանքով այդ վիճակն ավելի
է սրվելու: Ավելին, հանրային պաշտպանների համար
ապահովված չեն պետական ծառայողներին
հավասար սոցիալական երաշխիքները:

Հանդիպման ավարտին հյուրերը շնորհակալություն
են հայտնել ջերմ ընդունելության, բովանդակային
զրույցի և արդյունավետ տեղեկատվության համար՝
նշելով, որ արձանագրված խնդիրները տեղ կգտնեն
փորձագիտական թիմի եզրահանգումների և
առաջարկությունների մեջ:



```
Վերադառնալ $(window).load(function(){ if(typeof $(".fb_comments_count").html() != "undefined" &&  
parseInt($(".fb_comments_count").html()) != 0){ updateCommentsCount(window.location.href); } })
```